

Das Ahkām

aur

Sone kā Bachhṛā



das ahkām aur sone kā bachhṛā

The Ten Commandments and the Golden Calf

(Urdu—Roman script)

© 2022 Chashma Media.

published and printed by

Good Word Communication Services Pvt. Ltd.
New Delhi, INDIA

Bible text is from UGV.

illus.: R. Gunther (www.lambsongs.co.nz)

for enquiries or to request more copies:

askandanswer786@gmail.com

Allāh ne Isrāīlī qaum ko ahkām die tāki un kā Ḳhudā aur ek dūsre ke sāth sulūk ṭhīk ho. Is se Ḳhudā kā kyā maqsad thā? Wuh chāhtā thā ki log us par bharosā rakhkar us kī sunen aur us ke tābe raheñ. Agar wuh aise kareñ to wuh ḳhushhāl zindagī guzār sakeñge.

Zabūr meñ likhā hai,

Kyonki us ne Yāqūb kī aulād ko shariāt dī, Isrāīl meñ ahkām qāym kie. Us ne farmāyā ki hamāre bāpdādā yih ahkām apnī aulād ko sikhāen tāki āne wālī pusht bhī unheñ apnāe, wuh bachche jo abhī paidā nahīñ hue the. Phir unheñ bhī apne bachchoñ ko sunānā thā. Kyonki Allāh kī marzī hai ki is tarah har pusht Allāh par etamād rakhkar us ke azīm kām na bhūle balki us ke ahkām par amal kare. Wuh nahīñ chāhtā ki wuh apne bāpdādā kī mānind hoñ jo ziddī aur sarkash nasl the, aisī nasl jis kā dil sābitqadam nahīñ thā aur jis kī rūh wafādārī se Allāh se lipaṭī na rahī. (Zabūr 78:5-8)

Āie ham Tauret Sharīf meñ paṛheñ ki kyā huā:

Tab Mūsā ne qaum ke pās jākar Rab kī tamām bāteñ aur ahkām pesh kie. Jawāb meñ sab ne milkar kahā, “Ham Rab kī in tamām bātoñ par amal kareñge.” (K̄hurūj 24:3)



Patthar kī Taḁhtiyāñ

Pahāṛ se utarne ke bād Rab ne Mūsā se kahā, “Mere pās pahāṛ par ākar kuchh der ke lie ṭhahre rahnā. Maiñ tujhe patthar kī taḁhtiyāñ dūngā jin par maiñ ne apnī shariyat aur ahkām likhe haiñ aur jo Isrāīl kī tālīm-o-tarbiyat ke lie zarūrī haiñ.”

Mūsā apne madadgār Yashua ke sāth chal paṛā aur Allāh ke pahāṛ par chaṛh gayā. Pahle us ne



buzurgoṅ se kahā, “Hamārī wāpasī ke intazār meṅ yahān ṭhahre raho. Hārūn aur Hūr tumhāre pās raheṅge. Koī bhī māmalā ho to log unhīn ke pās jāeṅ.” j

Mūsā Rab se Miltā Hai

Jab Mūsā chaṛhne lagā to pahāṛ par bādāl chhā gayā. Rab kā jalāl Koh-e-Sīnā par utar āyā. Chhih din tak bādāl us par chhāyā rahā. Sātweṅ din Rab ne bādāl meṅ se Mūsā ko bulāyā. Rab kā jalāl Isrāīliyoṅ ko bhī nazar ātā thā. Unheṅ yoṅ lagā jaisā ki pahāṛ kī choṭī par tez āg





bhaṛak rahī ho. Chaṛhte chaṛhte Mūsā bādāl meñ dākḥil huā. Wahāñ wuh chālīs din aur chālīs rāt rahā. (Ḳhurūj 24:15-18)

Rab Sharīat kī Taḳhtiyāñ Detā hai

Sab kuchh Mūsā ko batāne ke bād Rab ne use Sīnā Pahār par shariyat kī do taḳhtiyāñ dīñ. Allāh ne ḳhud patthar kī in taḳhtiyōñ par tamām bāteñ likhī thīñ (Ḳhurūj 31:18).





- **Ḳhudā ne ḳhud ahkām ko kyon qalamband kiyā?**
 - ▶ Wuh is par zor denā chāhtā thā ki insān in ko kabhī na bhūleñ. Wuh kabhī na bhūleñ ki Ḳhudā hī madad kartā aur najāt detā hai. Wuhī Ḳhudā jis ne Isrāīlī qaum ko Misr se nikālkar najāt dī.
- **In kā hamāre sāth kyā wāstā hai? Kyā yih ham par bhī lāgū haiñ? Kyā hameñ bhī in ahkām par amal karnā chāhie?**
 - ▶ Beshak. Hazrat Īsā ḳhud bhī bār bār is par zor dete haiñ ki yih ahkām mansūḳh nahīñ hue haiñ:

Yih na samajho ki main Mūsawī shariyat aur nabiyoñ kī bātoñ ko mansūkh karne āyā hūñ. Mansūkh karne nahīñ balki un kī takmīl karne āyā hūñ. Main tum ko sach batātā hūñ, jab tak āsmān-o-zamīn qāym raheñge tab tak shariyat bhī qāym rahegī—na us kā koī harf, na us kā koī zer yā zabar mansūkh hogā jab tak sab kuchh pūrā na ho jāe.
(Mattī 5:17-18)

Aur Paulus rasūl sāf farmāte haiñ,

Shariyat khud muqaddas hai aur is ke ahkām muqaddas, rāst aur achchhe haiñ. (Romiyōñ 7:12)

Nīz, wuh farmāte haiñ,

Kyoñki har pāk nawishtā Allāh ke rūh se wujūd meñ āyā hai aur tālīm dene, malāmat karne, islāh karne aur rāstbāz zindagī guzārne kī tarbiyat dene ke lie mufīd hai. Kalām-e-muqaddas kā maqsad yahī hai ki Allāh kā bandā har lihāz se qābil aur har nek kām ke lie taiyār ho. (2 Tīmuthiyus 3:16-17)

- Kyā Isrāīlī qaum ab se in ahkām par wafādārī se chalte rahe? Un ko to mālūm ho chukā thā ki Ḳhudā mehrbān hai aur un kī madad karne ko taiyār rahtā thā. Ab se wuh yih bhī jānte the ki Ḳhudā un se kyā chāhtā hai. Kyā yih itnā mushkil kām thā?
 - ▶ Āie ham dekheñ ki is ke bād kyā huā.

Sone k̄ Bachhr̄ā

Pahār ke dāman meñ log Mūsā ke intazār meñ rahe, lekin bahut der ho gaī. Ek din wuh Hārūn ke gird jamā hokar kahne lage, “Āeñ, hamāre lie dewtā banā deñ jo hamāre āge āge chalte hue hamārī rāhnumāī karen. Kyonki kyā mālūm ki us bande Mūsā ko kyā huā hai jo hamen Misr se nikāl lāyā.”




Jawāb meñ Hārūn ne kahā, “Āp kī bīwiyāñ, beṭe aur beṭiyāñ apnī sone kī bāliyāñ utārkar mere pās le āeñ.” Sab log apnī bāliyāñ utār utārkar Hārūn ke pās le āe to us ne yih zewarāt lekar bachhr̄ā ḍhāl diyā. Bachhr̄e ko dekhkar log bol uṭhe, “Ai Isrāīl, yih tere dewtā haiñ jo tujhe Misr se nikāl lāe.”



Jab Hārūn ne yih dekhā to us ne bachhṛe ke sāmne qurbāngāh banākar elān kiyā, “Kal ham Rab kī tazīm meñ id manāenge.” Agle din log subh-sawere uṭhe aur bhasm hone wālī qurbāniyāñ aur salāmatī kī qurbāniyāñ chaṛhāñ. Wuh khāne-pīne ke lie baiṭh gae aur phir uṭhkar rangraliyon meñ apne dil bahlāne lage.

Mūsā kī Shafā’at

Us waqt Rab ne Mūsā se kahā, “Pahār se utar jā. Tere log jinheñ tū Misr se nikāl lāyā baṛī sharārateñ kar rahe haiñ. Wuh kitnī jaldī se us rāste se haṭ gae haiñ jis par chalne ke lie main ne unheñ hukm diyā thā. Unhoñ ne apne lie ḍhālā huā bachhṛā banākar use sijdā kiyā hai. Unhoñ ne



use qurbāniyān pesh karke kahā hai, ‘Ai Isrāīl, yih tere dewtā haiñ. Yahī tujhe Misr se nikāl lāe haiñ.’”



Allāh ne Mūsā se kahā, “Main ne dekhā hai ki yih qaum baṛī haṭdharm hai. Ab mujhe rokne kī koshish na kar. Main un par apnā ḡhazab unḍelkar un ko rū-e-zamīn par se miṭā dūngā. Un

kī jagah main tujh se ek baṛī qaum banā dūngā.”



Lekin Mūsā ne kahā, “Ai Rab, tū apnī qaum par apnā ḡhussā kyoñ utārnā chāhtā hai? Tū ḡhud apnī azīm qudrat se use Misr se nikāl lāyā hai. Misrī kyoñ kaheñ, ‘Rab Isrāīliyoñ ko sirf is bure maqsad se hamāre mulk se nikāl le gayā hai ki unheñ pahārī ilāqe meñ mār ḡāle aur yoñ unheñ rū-zamīn par se miṡāe’? Apnā ḡhussā ṡhandā hone de aur apnī qaum ke sāth burā sulūk karne se bāz rah. Yād rakh ki tū ne apne ḡhādimoñ Ibrāhīm, Is’hāq aur Yāqūb se apnī hī qasm khākar kahā thā, ‘Main tumhārī aulād kī tādād yoñ baḡhāūngā ki wuh āsmān ke sitāroñ ke barābar ho jāegī. Main unheñ wuh mulk dūngā jis kā wādā main ne kiyā hai, aur wuh use hameshā ke lie mīrās meñ pāeñge.’”

Mūsā ke kahne par Rab ne wuh nahīn kiyā jis kā elān us ne kar diyā thā balki wuh apnī qaum se burā sulūk karne se bāz rahā.

Butparastī ke Natāyj

Mūsā murkar pahār se utarā. Us ke hāthoñ meñ shariyat kī donoñ taḳhtiyāñ thiñ. Un par āge-pīchhe likhā gayā thā. Allāh ne ḳhud taḳhtiyōñ ko banākar un par apne ahkām kandā kie the.

Utarte utarte Yashua ne logoñ kā shor sunā aur Mūsā se kahā, “Ḳhaimāgāh meñ jang kā shor mach rahā hai!”

Mūsā ne jawāb diyā, “Na to yih fathmandoñ ke nāre haiñ, na shikast khāe huoñ kī chīḳh-pukār. Mujhe gāne wāloñ kī āwāz sunāi de rahī hai.”



Jab wuh khaimāgāh ke nazdik pahunchā to us ne logoñ ko sone ke bachhre ke sāmne nāchte hue dekhā. Baṛe ghusse meñ ākar us ne taḁhtiyōñ ko zamīn par paṭaḁh diyā, aur wuh ṭukre ṭukre hokar pahāṛ ke dāman meñ gir gaīñ. Mūsā ne Isrāīliyōñ ke banāe hue bachhre ko jalā diyā. Jo kuchh bach gayā use us ne pīs pīskar powder banā ḁālā aur powder pānī par chhiṛakkar Isrāīliyōñ ko pilā diyā.



Us ne Hārūn se pūchhā, “In logoñ ne tumhāre sāth kyā kiyā ki tum unheñ aise baṛe gunāh meñ phaṅsā diyā?”

Hārūn ne kahā, “Mere āqā. Ghusse na hoñ. Āp khud jānte haiñ ki yih log badī par tule rahte haiñ. Unhoñ ne mujh se kahā, ‘Hamāre lie dewtā banā deñ jo hamāre āge āge chalte hue hamārī

rāhnumāi karen. Kyoṅki kyā mālūm ki us bande Mūsā ko kyā huā hai jo hameñ Misr se nikāl lāyā.’ Is lie main ne un ko batāyā, ‘Jis ke pās sone ke zewarāt haiñ wuh unheñ utār lāe.’ Jo kuchh unhoñ ne mujhe diyā use main ne āg meñ pheñk diyā to hote hote sone kā yih bachhṛā nikal āyā.”

Mūsā ne dekhā ki log beqābū ho gae haiñ. Kyoṅki Hārūn ne unheñ belagām chhoṛ diyā thā, aur yoñ wuh Isrāīl ke dushmanoñ ke lie mazāq kā nishānā ban gae the. Mūsā ḵhaimāgāh ke darwāze par khare hokar bolā, “Jo bhī Rab kā bandā hai wuh mere pās āe.” Jawāb meñ Lāwī ke qābīle ke tamām log us ke pās jamā ho gae. Phir Mūsā ne un se kahā, “Rab Isrāīl kā Ḵhudā farmātā hai, ‘Har ek apnī talwār lekar ḵhaimāgāh meñ se guzare. Ek sire ke darwāze se shurū karke dūsre sire ke darwāze tak chalte chalte har milne wāle ko jān se mār do, chāhe wuh tumhārā bhāī, dost yā rishtedār hī kyoñ na ho. Phir muṛkar mārte mārte pahle darwāze par wāpas ā jāo’.”

Lāwiyōñ ne Mūsā kī hidāyat par amal kiyā to us din taqṛīban 3,000 mard halāk hue. Yih dekhkar Mūsā ne Lāwiyōñ se kahā, “Āj apne āp ko maqdis meñ Rab kī ḵhidmat karne ke lie maḵhsūs-o-muqaddas karo, kyoṅki tum apne beṭoñ aur

bhāiyōn ke ḵhilāf laṛne ke lie taiyār the. Is lie Rab tum ko āj barkat degā.”



Agle din Mūsā ne Isrāīliyōn se bāt kī, “Tum ne nihāyat sangīn gunāh kiyā hai. To bhī main ab Rab ke pās pahār par jā rahā hūn. Shāyad main tumhāre gunāh kā kaffārā de sakūn.”

Chunānche Mūsā ne Rab ke pās wāpas jākar kahā, “Hāy, is qaum ne nihāyat sangīn gunāh kiyā hai. Unhoñ ne apne lie sone kā dewtā banā liyā. Mehrbānī karke unheñ māf kar. Lekin agar tū unheñ māf na kare to phir mujhe bhī apnī us kitāb meñ se miṭā de jis meñ tū ne apne logoñ ke nām darj kie haiñ.”

Rab ne jawāb diyā, “Main sirf us ko apnī kitāb meñ se miṭātā hūñ jo merā gunāh kartā hai. Ab jā, logoñ ko us jagah le chal jis kā zikr main ne kiyā hai. Merā farishtā tere āge āge chalegā. Lekin jab sazā kā muqarrarā din āegā tab main unheñ sazā dūngā.”

Phir Rab ne Isrāīliyoñ ke darmiyān wabā phailne dī, is lie ki unhoñ ne us bachhre kī pūjā kī thī jo Hārūn ne banāyā thā.

Rab ne Mūsā se kahā, “Is jagah se rawānā ho jā. Un logoñ ko lekar jin ko tū Misr se nikāl lāyā hai us mulk ko jā jis kā wādā main ne Ibrāhīm, Is’hāq aur Yāqūb se kiyā hai. Lekin main sāth nahīn jāūngā. Tum itne haṭdharm ho ki agar main sāth jāūñ to khatrā hai ki tumheñ wahāñ pahuñchne se pahle hī barbād kar dūñ.”



Jab Isrāīliyoṅ ne yih saḡht alfāz sune to wuh mātam karne lage. Kisī ne bhī apne zewar na pahne, kyonki Rab ne Mūsā se kahā thā, “Isrāīliyoṅ ko batā ki tum haḡdharm ho. Agar main ek lamhā bhī tumhāre sāth chalūn to ḡhatrā hai ki main tumheṅ tabāh kar dūn.”

Mūsā ne kahā, “Agar tū ḡhud sāth nahīn chalegā to phir hameṅ yahān se rawānā na karnā. Agar tū hamāre sāth na jāe to kis tarah patā chalegā ki mujhe aur terī qaum ko terā karm hāsīl huā hai? Ham sirf isī wajah se duniyā kī dīgar qaumoṅ se alag aur mumtāz haiṅ.”

Rab ne Mūsā se kahā, “Main terī yih darḡhāst bhī pūrī karūngā, kyonki tujhe merā karm hāsīl huā hai aur main tujhe banām jāntā hūn” (Ḳhurūj 32).

Sawāl

- *Ḳhudā abhī Hazrat Mūsā ko ahkām kī taḳhtiyān dekar un se bāt hī kar rahā thā ki qaum ne wuh kuchh banāyā jo bilkul manā thā. Us ne apne lie but banāyā. Logoñ ne itnī jaldī se Ḳhudā ko bhūlkar gunāh kiyā. Ḳhudā kā kyā rad-e-amal hai? Wuh jawāb meñ kyā karnā chāhtā hai?*
 - ▶ Wuh gunāhgār qaum ko ḳhatm karke Hazrat Mūsā ke zariye ek naī qaum qāym karnā chāhtā hai.
- *Is tarah kā sawāl pahle bhī ubhar āyā thā. Kab?*
 - ▶ Hazrat Nūh ke zamāne meñ. Un ke ḳhāndān ke siwā tamām log sailāb meñ ḍūb mare. Us waqt bhī Ḳhudā Hazrat Nūh aur us ke ḳhāndān ke zariye nae sire se shurū karnā chāhtā thā. Lekin Hazrat Nūh aur un ke ḳhāndān ke afrād bhī begunāh nahīn the.
- *Isī tarah jab ham Hazrat Ibrāhīm aur un kī aulād par nazar ḍāleñ to kyā wuh begunāh the?*
 - ▶ Ḳhudā ne Hazrat Ibrāhīm ko chun liyā. Us kā un ke aur un kī aulād ke sāth ḳhās tālluq thā. Lekin yih wuhī log the jinhoñ ne ab sonā kā bachhrā ḍhālkar us kī pūjā kī thī. Ek bār phir gunāh bīch meñ ā gayā aur Allāh ke sāth rifāqat bigar gayā.

● *Hazrat Mūsā Ẹhudā kā farmān sunkar kyā sochte haiñ? Kyā wuh ārām se baiṭhkar sochte haiñ ki koī bāt nahīñ. Mujh se to gunāh nahīñ huā, main ne ḡhalatī nahīñ kī. Ẹhudā mujhe to jīne degā. Koī bāt nahīñ agar wuh in sharīron ko sazā de. Yih to sazā ke lāyq hī haiñ.*

► Hargiz nahīñ. Hazrat Mūsā yih bāt sunte hī apnī qaum kī sifārish karne lagte haiñ. Wuh iltijā karte haiñ ki Allāh qaum par rahm kare. Is se baḥkar wuh dubārā Sīnā Pahāṛ par chaḥkar Allāh se iltijā karte haiñ ki wuh qaum ko māf kare. Balki wuh apnī qaum kī sazā uṭhāne ke lie bhī taiyār haiñ. Wuh Ẹhudā se alag hone ke lie taiyār haiñ tāki us kī qaum bach jāe.

To bhī Ẹhudā sāf sāf farmātā hai ki har ek apne gunāhon kā zimmedār hai. Jis tarah bād meñ Hizqiyel Nabī ne farmāyā,


Jis se gunāh sarzad huā hai sirf use hī marnā hai. Lihāzā na beṭe ko bāp kī sazā bhugatnī paṛegī, na bāp ko beṭe kī. Rāstbāz apnī rāstbāzī kā ajr pāegā, aur bedīn apnī bedīnī kā. (Hizqiyel 18:20)

Tāham Ḳhudā qaum ko jīne detā hai go use sazā denī paṛegī. Nīz, wuh farmātā hai ki wuh Ḳhud qaum ke sāth nahīn chalegā. Yih sunkar Hazrat Mūsā iltijā kartā hai ki Allāh āindā bhī qaum ke sāth chale. Hazrat Mūsā ko sāf mālūm thā ki Allāh kī rāhnumāi ke baḡhair Isrāīlī qaum barbād ho jāegī.

- *Ḳhudā jawāb meñ kyā farmātā hai?*
 - ▶ Wuh Mūsā kī sunkar wādā kartā hai ki main āindā bhī qaum kī rāhnumāi karūngā.
- *Ḳhudā kyon apnā irādā badal letā hai?*
 - ▶ Hazrat Mūsā ko Allāh kī mehrbānī hāsīl hai, aur Ḳhudā Hazrat Mūsā ko banām jāntā hai.
- *Yih kaisā Ḳhudā hai? Kyā wuh dūr rahtā hai? Nahīn, us kā Hazrat Mūsā ke sāth qarībī tālluq hai aur wuh use banām jāntā hai.*
 - ▶ Zabūr meñ likhā hai ki Ḳhudā har ek sitāre kā nām lekar jāntā hai. Aur kitne beshumār sitāre hote haiñ.

Wuh sitāron kī tādād gin letā aur har ek kā nām lekar unheñ bulātā hai.
(Zabūr 147:4)

- *Is kā hamāre lie kyā matlab hai?*
 - ▶ **Ḳhudā** ham meñ se har ek ko banām jāntā hai. Wuh jāntā hai ki ham kahāñ haiñ aur hamārī kyā hālat hai. Aur jab ham duā karte haiñ to wuh hamārī har bāt suntā hai.
Āie ham paṛheñ ki is ke bād kyā huā.



Patthar kī Naī Taḡhtiyān

Rab ne Mūsā se kahā, “Apne lie patthar kī do taḡhtiyān tarāsh le jo pahlī do kī mānind hoñ. Phir main un par wuh alfāz likhūngā jo pahlī taḡhtiyon par likhe the jinheñ tū ne paṭaḡh diyā thā. Subh tak taiyār hokar Sīnā Pahār par chaṛhnā. Choṭī par mere sāmne khaṛā ho jā. Tere sāth koī bhī na āe balki pūre pahār par koī aur shaḡhs nazar na āe, yahān tak ki bheṛ-bakriyān aur gāy-bail bhī pahār ke dāman meñ na chareñ.”

Chunāñche Mūsā ne do taḡhtiyān tarāsh līn jo pahlī kī mānind thīñ. Phir wuh subh-sawere uṭhkar Sīnā Pahār par chaṛh gayā jis tarah Rab ne use hukm diyā thā. Us ke hāthoñ meñ patthar kī donoñ taḡhtiyān thīñ. Jab wuh choṭī par pahuñchā

to Rab bādāl meñ utar āyā aur us ke pās khare hokar apne nām Rab kā elān kiyā. Mūsā ke sāmne se guzarte hue us ne pukārā, “Rab, Rab, rahīm aur mehrbān Ḳhudā. Tahammul, shafqat aur wafā se bharpūr. Wuh hazāroñ par apnī shafqat qāym rakhtā aur logoñ kā qusūr, nā-farmānī aur gunāh māf kartā hai. Lekin wuh har ek ko us kī munāsib sazā bhī detā hai. Jab wālidain gunāh karen to un kī aulād ko bhī tīsrī aur chauthī pusht tak sazā ke natāyij bhugatne paṛenge.”

Mūsā ne jaldī se jhukkar sijdā kiyā. Us ne kahā, “Ai Rab, agar mujh par terā karm ho to hamāre sāth chal. Beshak yih qaum haṭdharm hai, to bhī hamārā qusūr aur gunāh māf kar aur baḳhsh de ki ham dubārā tere hī ban jāen.”

Tab Rab ne kahā, “Main tumhāre sāth ahd bāndhūngā. Terī qaum ke sāmne hī main aise mojize karūngā jo ab tak duniyā-bhar kī kisī bhī qaum meñ nahīn kie gae. Pūrī qaum jis ke darmiyān tū rahtā hai Rab kā kām dekhegī aur us se ḍar jāegī jo main tere sāth karūngā. Jo ahkām main āj detā hūñ un par amal kartā rah.

Is ke bād Mūsā shariyat kī donoñ taḳhtiyon ko hāth meñ lie hue Sīnā Pahār se utarā. [...] us ne unheñ bulāyā to Hārūn aur jamāt ke tamām sardār

us ke pās āe, aur us ne un se bāt kī. Bād meñ bāqī
 Isrāīlī bhī āe, aur Mūsā ne unheñ tamām ahkām
 sunāe jo Rab ne use Koh-e-Sīnā par die the (Ḳhurūj
 34:1-11; 29; 31-32).



Das ahkām yih the:

- “Main Rab terā Ḳhudā hūñ jo tujhe Mulk-e-Misr kī ḡhulāmī se nikāl lāyā. Mere siwā kisī aur mābūd kī parastish na karnā.
- Apne lie but na banānā. Kisī bhī chīz kī mūrāt na banānā, chāhe wuh āsmān meñ, zamīn par yā samundar meñ ho. Na butoñ kī parastish, na un kī ḡhidmat karnā, kyonki main terā Rab ḡhayūr Ḳhudā hūñ. Jo mujh se nafrat karte haiñ unheñ main tīsī aur chauthī pusht tak sazā dūngā. Lekin jo mujh se muhabbat rakhte aur

mere ahkām pūre karte haiñ un par mainñ hazār pushtonñ tak mehrbānī karūngā.

- Rab apne ẖhudā kā nām bemaqsad yā ġhalat maqsad ke lie istemāl na karnā. Jo bhī aisā kartā hai use Rab sazā die baġhair nahīñ chhoṛegā.
- Sabat ke din kā ḡhyāl rakhnā. Use is tarah manānā ki wuh maḡhsūs-o-muḡaddas ho. Hafte ke pahle chhih din apnā kām-kāj kar, lekin sātwanñ din Rab tere ẖhudā kā ārām kā din hai. Us din kisī tarah kā kām na karnā. Na tū, na terā beṭā, na terī beṭī, na terā naukar, na terī naukarānī aur na tere maweshī. Jo pardesī tere darmiyān rahtā hai wuh bhī kām na kare. Kyonki Rab ne pahle chhih din meñ āsmān-o-zamīn, samundar aur jo kuchh un meñ hai banāyā lekin sātweñ din ārām kiyā. Is lie Rab ne Sabat ke din ko barkat dekar muḡarrar kiyā ki wuh maḡhsūs aur muḡaddas ho.
- Apne bāp aur apnī māñ kī izzat karnā. Phir tū us mulk meñ jo Rab terā ẖhudā tujhe dene wālā hai der tak jītā rahegā.
- Qatl na karnā.
- Zinā na karnā.
- Chorī na karnā.
- Apne paṛosī ke bāre meñ jhūṭhī gawāhī na denā.

- Apne paṛosī ke ghar kā lālach na karnā. Na us kī bīwī kā, na us ke naukar kā, na us kī naukarānī kā, na us ke bail aur na us ke gadhe kā balki us kī kisī bhī chīz kā lālach na karnā.”

Jab ẖhudā ne Isrāīlī qaum ko Misr se nikālkar samundar aur registān meñ se guzarne diyā to zāhir huā ki wuh ek tāqatwar aur azīm najātdhindā hai.

Is qaum ko us ne Sīnā Pahār par ahkām baḡhsh die. Us kī marzī yih thī ki qaum us kī qaum ho jis se wuh rifāqat rakh sake. Shart yih thī ki wuh us ke ahkām par chale. Kyā is gunāh ke bād us ne apnā sabaq sīkh liyā thā? Kyā ab se wuh gunāh se dūr rahne meñ kāmyāb rahī? Is ke bāre meñ ham agle sabaqon meñ paḡheñge.

Hamārī kyā hālat hai?

Hamārī ẖhudā se rifāqat kaisī hai?

Kyā ham us se bāt karte hain?

Kyā ham us par bharosā rakhte hain?

Kyā ham gunāh se āzād hain?

Jo mazīd tafsīl se Hazrat Mūsā ke bāre meñ paṛhnā chāhe, wuh Tauret meñ Ḳhurūj 20 se lekar 34 tak paṛhe.